

Date – 22/08/2025

Time - 07:30 -07:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Aizawl District Police chuan sipai intlar tur a Mizorama lo lut thalaite sang 7 chuang te chu, sipailak a zawh chuan mahni awmna lama haw leh mai tur a ngaih an ni an ti.**
- 2. Olympic tinzawnin Mizoram sorkarin thla thar atangin, Grassroots Sports Development Programme a kalpui dawn.**
- 3. Parliament chuan Online Gaming Bill 2025 a pass.**
- 4. India Meteorological Department chuan ramchhung state hrang hrangah vawiin hian ruah a sur nasa dawn a ti.**

<><><>

ILP

Aizawl District Police Officer ten sipai intlar tur a Mizorama lo lut thalaite sang 7 chuang te chu, sipailak a zawh chuan mahni awmna lama haw leh mai tur a ngaih an ni an ti.

Nimina Aizawl District Police Officer te Aizawl SP Office a thukhawm chuan Bengal Eastern Frontier Regulations (BEFR. 1873 hnuai a Inner Line Permit (ILP) kenkawh mek dan an sawiho a, he huna tarlan anih danin, September ni 11 thleng awh tur, CAPF. SSF leh Assam Rifle Rifleman lakna kal mek, "Combined Recruitment Rally avanga intlar tur candidate 7422 lai Aizawl a an rawn fuankhawm mek chuan ILP dilna a tih tam mai bakah khawlaiah veivak a tihtam thu sawiin, sipai intlar tur a lo lut thalaite hi, sipailak a zawh chuan mahni awmna lama haw leh mai tur a ngaih an nih thu sawilan a ni.

He thil avang hian ngaihthatlohna tur a awmloah an ngai a, hetiang a recruitment rally lian a awm leh dawn chuan, candidate ten a tlachawp a ILP dil lo in, online a dil theihna hrilhriat ni se harsatna tam tak a sutkian a rinawm thu pawh sawilan a ni.

He hunah hian Aizawl khawpui chhunga Sub-Divisional police Officer (SDPO) leh Police Station-a Officer-in-Charge(OC)-te telin, ILP ngawrh zawka endik turin ruahmanna siamin, Aizawl khawpui chhunga veng hrang hrangte a veng bil a theih ang a tuam ni se, hemi atan hian veng bil Local Council leh NGO hrang hrangte pawh phungbawm a sawm ni se; an ti.

Thenawm state-a ramdangmi hnawhchhuahna kal mek ah Assam-a an hmalakna district atanga Mizorama loo lut an awm hriat a la nih loh thu sawilan a ni bawk a. Amaherawhchu, fimkhur thua erawh ILP checking beihpui thlak lai in uluk lehzual a hmalak ni se an ti a ni.

<><><>

HOME MINISTER

Home Minister Pu K. Sapdanga hovin Committee on Prevention of Firecracker and other Pyrotechnic Materials chu nimin khan SAD Conference Hall, MINECO-ah an thukhawm a. Kumin hunpui lo thleng tur vuakveta halpuah leh a kaihhnawihthe khapna kalpui dan tur bakah Working Committee-in halpuah leh a kaihhnawihthe khapna tur Dan a duan thar (Draft Bill) te thlirho a ni.

Thutkhawmnaah hian nikum lama halpuah leh a kaihhnawih hal chi chi hrang hrangte khapna Mizoram sawrkarin hlawtling taka a kalpui tawh dante ngaihthlak a ni a. Nikum hunpui vuakvetah khan halpuah leh a kaihhnawih hal, lei leh hralh bakah siam chhuah kaihhnawihah mi 53 man an ni a, heng zinga 14 te chu thiam loh chantir an ni. Mizoram Police leh tlawmngai pawl tangrualte'n an mante hi a hlut zawng chu cheng nuai 23 sing 1 & 3,555/- hu a ni.

Thutkhawmah hian kumin hunpui lo thleng turah pawh mipui vantlang him zawkna tur leh boruak thianghlim zawk a awm theihna tura hmalak dan turte rel a ni a. Hei bakah hian Working Committee buatsaih, Halpuah leh a kaihhnawih khapna tur Dan thar duan mek chu thlirho niin, a thuphungin Committee chuan a pawm nghal a; thutkhawm leh hunah ennawn leh tura dah a ni.

Meeting-ah hian Chief Secretary Pu Khilli Ram Meena, a kaihhnawih Department hrang hranga Secretary-te, Home Department hnuaia Officer-te bakah Central YMA hruaitute an tel a ni.

<><><>

GSDP

Mizoram sorkarin thla thar atangin, Grassroots Sports Development Programme (GSDP) a kalpui dawn a, Olympic Vision Sports leh Popular Sports en kawp chungin Sports discipline pakua -ah hma lak a tum a ni.

Nimin khan Sports & Youth Services Minister, Mizoram State Sports Council (MSSC) President ni bawk Pu Lalnghinglova Hmar chuan Aizawla Ramhlun Indoor stadium-ah GSDP hi a hawnga, kumin september thla atangin thla ruk chung kal pui a ni a. Zirlai naupang kum 6 – 14 inkarte infiamna nihphung leh bul thut inzirtirna hman tur a ni.

GSDP ah hian Archery, Badminton, Boxing, Football, Hockey, Judo, Taekwondo, Weightlifting leh Wrestling te thlur bik a ni dawn a, Mizoram hmun hrangah Centre 46 ruahman a ni a, heng center thlanna ah hian State Level Sports Association te rawn niin, anni'n Talent awmna ni a an hriat khuaah Center te hi dah a ni. Center tin te hian sawrkar sikul nghan chhan nei zel tur a ruahman a ni.

Sports Minister Pu Lalnghinglova Hmar chuan kum 2036-a India in Olympics thlen a tumah Mizo infiammi an tel ve theih nan Grassroots Sport Development Programme chu tih tak zeta kalpui a tul a ti a, naupangteah danglamna a thlen ngei tur a ni tih sawiin sum sen thlawn a nih tawh loh nan tih dan ngai reng a kal chuan rahchhuah ngai reng an neih thin avangin GSDP chu a danglam dawn a ti a, India in kum 2036-a Olympics thlen a tumah Mizoram pawh tel tir ve ngei an duh a, ram pum huap leh khawvel huap inelnaah te tel ve thei tur chuan a bulthut atanga inbuatsaih tan a ngai a ti a, chuvang chuan School Education Department atangin Mizoram States Sports Council hnenah blanchhawn a ni tih a sawi.

Ruahman dan chuan, ee programme hi sikul naupangte zirlai pangngai tibuai lo tura kalpui tur a ni a. Kar khatah nithum aia tlem lo traning an nei thin ang a, sikul chawlhah uar zawkin Training hi an nei thin ang. Naupang ten thla 6 chhungin minute 9,000 bawr vel training nei tur a beisei a ni.

Training neih chhung hian Sports mai bakah, Mizo nun zemaw inzirtirna te, ruihhlo leh zuk leh hmuam that loh zia te inzirtir tel tur a beisei an ni a. Hei bakah hian an phak tawh theuhah vantlang tana tangkai, hmun hma tihfai leh enkawl te pawh bilh tel tur a beisei an ni.

National hockey player leh National umpire ni lai, K.Ngaihpari chuan GSDP kal dan chu naupang tan a tha hle a ti a, Hockey bikah pheih chuan bul tanna atan duhthusam nia a hriat thu sawiin, zirna changtlung zawkah te zir chhovin national leh international level tournament thlengin an khel theih phah thin a, GSDP chuan naupang talent nei tha tak tak, an theihna pho chhuahna tur hun nei remchang lote zawnhhuah chu a tum ber a nih thu a sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

ONLINE GAMING BILL

Parliament chuan Online Gaming Bill 2025 a pass a,

The Promotion and Regulation of Online Gaming Bill 2025 hi Information and Broadcasting Minister Ashwini Vaishnaw chuan Lok Sabha ah a pu lut a, sawiho a nih hnuah Lok Sabha chuan a pass an nimin Khan Rajya Sabha chuan a pass ve leh a ni.

Online Gaming chu thalaite tana hmasawinna tur zawk leh changkang zawka siam ani tih sawiin sum inthapna leh diklo taka lak an khap thung a, hremna na tak a awm tawh dawn a ni a ti.

Electronic and IT Minister Ashwini Vaishnaw chuan online money gaming chu mihring hriselna in a tuar theih thu sawiin, money gaming vangin

in chhungkaw engemaw zatin sum lam ah harsatna an tawh phah tih sawiin, Minister chuan Money gaming chuan sum leh pai lam a inbumna a thlen nasat thu a sawi bawk a. Online games avangin kum tin in mi vaibelchhe 45 velin cheng vaibelchhe engemaw zat an hloh thin ni a chhut a ni a ti bawk.

Minister Vaishnaw chuan bill hian kawh 3 a neih thu sawiin, chungte chu E sports, Online Social games leh online money games te an ni a, sawrkar chuan E sports leh online social gaming hmasawнна turin hma a la dawn tih a sawi.

Mizorama Social Activist Pu Lalhriatrenga Chhangte chuan Sawrkar laipuiin Online Gaming Bill a rawn chhawpchhuak chu thalaite tana hmasawнна thar thlen tu a ni a ti a, Online Gaming kaltlangin thalaiten hlawkna tha zawk leh dik taka sum an lakluh theih nan sawrkarin dan mumal tak a siam a, pawisa khelhna anga diklo taka sum lakluh an tum nasat thin avangin chhungkaw tam tak leh thalai nun tam tak a chhiat phah a, hei hi sawrkar chuan ti tawpin mumal zawkin a kalpui tawh dawn tih a sawi.

<><><>

IMD PREDICTS HEAVY RAIN

India Meteorological Department (IMD) chuan ramchhung state hrang hrangah ruah a sur nasa dawn a ti a,

IMD thlirlawknaah chuan Mizoram, Arunachal Pradesh, Bihar, East Rajasthan, Gangetic West Bengal, Gujarat, Jharkhand, Nagaland, ManipurTripura, Odisha, Uttarakhand leh Madhya Pradesh ah te ruah a tla tam dawn a. ni 2/3 lo awm turah pawh Delhi, Haryana, Chandigarh, Jammu and Kashmir, Maharashtra, Punjab leh Sikkim ah te a tla chhunzawm dawn a ni.

Hmarchhak bialah hian ruah mai bakah thli leh trek te pawh a thawk dawn ni a hmuh a ni.

<><><>